

Վարչական տույժ նշանակելու մասին

«01» հունիսի 2022թ.

ք. Վանաձոր

Հայաստանի Հանրապետության պետական եկամուտների կոմիտեի Արևելյան մաքսատուն-վարչության պետ Գոռ Բակլաջանս, քննելով «Թամարա Խուրշուդյան» ԱԶ-ի տնօրեն՝ Թամարա Գագիկի Խուրշուդյանի (ՀՎՀՀ՝ 49612719, քաղաքացիությունը՝ ՀՀ, հասցեն՝ Արարատի մարզ, գ. Արգավանդ, Սարալանջի փ., տուն 4) կողմից մաքսային կանոնների խախտման վերաբերյալ գործը,

Պ Ա Ր Զ Ե Ց Ի

2022թ. մայսի 4-ին «Թամարա Խուրշուդյան» ԱԶ-ի անվամբ թիվ 05100033/040522/0016361 տարանցման հայտարարագրով ձևակերպել է 1 անուն ապրանք՝ կենդանի ձկներ: Հսկողության իրականացման արդյունքում պարզվել է, որ հայտարարագրում նշված բրուտո քաշը չի համապատասխանում փաստացի բրուտո քաշին: Այսինքն հայտարարագրի 35րդ «Բրուտո քաշ» դաշտը լրացվել է սխալ՝ ըստ փաստաթղթերի բրուտո քաշը կազմել է 2300 կգ, սակայն փաստացի բրուտո քաշը կազմել է 3320 կգ:

Փաստի առթիվ Արևելյան մաքսատուն-վարչության Բագրատաշենի մաքսային կետ-բաժնի 4-րդ բաժանմունքի մաքսային տեսուչի կողմից 04.05.2022 թվականին Թամարա Խուրշուդյան» ԱԶ-ի տնօրեն՝ Թամարա Գագիկի Խուրշուդյանի նկատմամբ կազմվել է մաքսային կանոնների խախտման վերաբերյալ արձանագրություն՝ ՀՀ մաքսային օրենսգրքի 203-րդ հոդվածի հատկանիշներով:

Նշանակվել է գործի քննություն 01.06.2022 թվականին ժամը 11:00-ին, որի վերաբերյալ վերջինս պատշաճ ծանուցվել է, սակայն չի ներկայացել վարչական վարույթի քննարկմանը:

Գործի նյութերի ուսումնասիրության ընթացքում պարզվել է, որ պատվիրատու «Թամարա Խուրշուդյան» ԱԶ-ի և «Ալյանս Կոնսալթինգ» ՍՊԸ-ի միջև կնքված պայմանագրի «3.2» կետի համաձայն՝ Պատվիրատուն ամբողջովին պատասխանատու է մաքսային ձևակերպման համար «Մաքսային ներկայացուցիչ»-ին ներկայացված

փաստաթղթերի և առկա ձևակերպվող ապրանքների համապատասխանության համար:
Ապրանքների՝ քանակական, անվանացուցակային, որակական և այլ տեսակետից,
«Մաքսային ներկայացուցիչ»-ին ներկայացված փաստաթղթերի
անհամապատասխանության բացահայտման դեպքում «Պատվիրատու»-ն կրում է
ամբողջ պատասխանատվությունը՝ համաձայն ԵԱՏՄ և ՀՀ օրենսդրական պահանջների:

Վարչական վարարության շրջանակներում «Թամարա Խուրշուդյան» ԱԶ-ի կողմից
դիմում է ներկայացվել ՀՀ ՊԵԿ, որով վերջինս հայտնել է իր անհամաձայնությունը
արձանագրված փաստի վերաբերյալ, վկայակոչելով բեռնատարի վերազինվածությունը
և այլ սարքերի տեղադրված լինելը, որը մաքսային մարմինների կողմից անտեսվել է:
Նշել է նաև, որ տվյալ խոչընդոտը մեծ նյութական և ֆինանսական վնասների է
հանգեցրել: Պահանջել է վերանայել մաքսային մարմնի աշխատակցի կողմից կազմված
արձանագրությունը, ապահովելով համապատասխան ընթացքը:

ԵՏՄ մաքսային օրենսգրքի (այսուհետ՝ Օրենսգիրք) 2-րդ հոդվածի 7-րդ կետի
համաձայն՝ հայտարարատուն այն անձն է, որը հայտարարագրում է ապրանքներ կամ
որի անունից հայտարարագրվում են ապրանքներ, իսկ 35-րդ կետի համաձայն
մաքսային հայտարարագրումը մաքսային մարմնում մաքսային հայտարարագրի
միջոցով ապրանքների վերաբերյալ տեղեկությունների, ընտրված մաքսային
ընթացակարգի վերաբերյալ և (կամ) ապրանքների բացթողման համար անհրաժեշտ այլ
տեղեկությունների հայտագրումն է:

Օրենսգրքի 84-րդ հոդվածի 2-րդ կետով սահմանված են հայտարարատուի
պարտականությունները, այն է՝ կատարել ապրանքների մաքսային հայտարարագրում,
մաքսային մարմին ներկայացնել մաքսային հայտարարագրում հայտագրված
տեղեկությունները հաստատող փաստաթղթեր, ներկայացնել հայտարարագրվող
ապրանքները և վճարել մաքսային վճարները, իսկ 3-րդ կետի համաձայն
հայտարարատուն անդամ պետությունների օրենսդրությանը համապատասխան,
պատասխանատվություն է կրում սույն հոդվածի 2-րդ կետով նախատեսված
պարտականությունները չկատարելու, մաքսային հայտարարագրում ոչ հավաստի
տեղեկություններ հայտագրելու, ինչպես նաև մաքսային ներկայացուցչին անվավեր, այդ
թվում՝ կեղծ և (կամ) ակնհայտ ոչ հավաստի (սուտ) տեղեկություններ պարունակող
փաստաթղթեր ներկայացնելու համար:

Օրենսգրքի 104-րդ հոդվածի համաձայն՝ ապրանքները ենթակա են մաքսային հայտարարագրման դրանք մաքսային ընթացակարգով ձևակերպելու կամ սույն Օրենսգրքին համապատասխան սահմանված այլ դեպքերում: Մաքսային հայտարարագրումն իրականացվում է հայտարարատուի կամ մաքսային ներկայացուցիչի կողմից, եթե սույն օրենսգրքով այլ բան սահմանված չէ: Մաքսային հայտարարագրումն իրականացվում է գրավոր և (կամ) էլեկտրոնային եղանակով:

Օրենսգրքի 107-րդ հոդվածով սահմանվում են տարանջման հայտարարագրերում նշման ենթակա տեղեկությունները: Սույն հոդվածի 1-ին մասի 6-րդ կետի համաձայն՝ ապրանքների **համաքաշը** կամ ծավալը, ինչպես նաև ապրանքների քանակը՝ արտահայտված չափման լրացուցիչ միավորներով, եթե Եվրասիական տնտեսական Միության միասնական մաքսային սակագնով հայտարարագրվող ապրանքի նկատմամբ սահմանված է չափման լրացուցիչ միավոր՝ ըստ Արտաքին տնտեսական գործունեության ապրանքային անվանացանկի յուրաքանչյուր ծածկագրի :

ՀՀ մաքսային օրենսգրքի 189-րդ հոդվածի 1-ին մասի համաձայն՝ մաքսային կանոնների խախտում է համարվում անձի կողմից կատարված անօրինական գործողությունը կամ անգործությունը, որն ուղղված է Հայաստանի Հանրապետության մաքսային օրենսդրությամբ և մաքսային ոլորտին առնչվող Հայաստանի Հանրապետության միջազգային պայմանագրերով Հայաստանի Հանրապետության մաքսային սահմանով տեղափոխվող ապրանքների և տրանսպորտային միջոցների մաքսային հսկողության և մաքսային ձևակերպման սահմանված կարգի դեմ, և որի համար սույն օրենսգրքով նախատեսված է պատասխանատվություն: Նույն հոդվածի 2-րդ մասի համաձայն՝ ֆիզիկական և պաշտոնատար անձինք մաքսային կանոնները դիտավորյալ կամ անզգուշորեն խախտելու համար ենթակա են պատասխանատվության: Սույն դեպքով հայտարարատուի անունից հայտարարագիրը լրացրել է Արամ Ազատյանը:

ՀՀ մաքսային օրենսգրքի 203-րդ հոդվածի 1-ին մասի համաձայն՝ Հայաստանի Հանրապետության մաքսային սահմանով տեղափոխվող ապրանքները և տրանսպորտային միջոցները չհայտարարագրելը կամ ոչ իրենց անվանմամբ հայտարարագրելը կամ հայտարարագրման ժամանակ ոչ ճշգրիտ տեղեկություններ նշելը՝ որի արդյունքում չի առաջանում մաքսային վճարների (բացառությամբ

մաքսավճարի) պակաս հաշվարկում կամ չհաշվարկում, ինչպես նաև ոչ սակագնային կարգավորման միջոցների չկիրառում՝ հանցագործության հատկանիշների բացակայության դեպքում՝ առաջացնում է տուգանքի նշանակում՝ 50.000 դրամի չափով:

Ներկայացված նյութերի ուսումնասիրության արդյունքում պարզվել է, որ «Թամարա Խուրշուդյան» ԱԶ-ի անվամբ թիվ 05100033/040522/0016361 տարանցման հայտարարագրով ձևակերպել է 1 անուն ապրանք՝ կենդանի ձկներ: Հսկողության իրականացման արդյունքում պարզվել է, որ հայտարարագրում նշված բրուտտո քաշը չի համապատասխանում փաստացի բրուտտո քաշին: Նշվածը հիմնավորվում է կազմված արձանագրությամբ, կից փաստաթղթերով (կշռման դիտում և տրանսպորտային միջոցի հաշվառման վկայագրով) և թիվ 05100033/040522/0016361 տարանցման հայտարարագրով:

Նշված հայտարարագրում ոչ ճշգրիտ տեղեկություններ ներկայացնելը չի առաջացրել մաքսային վճարների պակաս հաշվարկում կամ չհաշվարկում:

ՀՀ մաքսային օրենսգրքի 219-րդ հոդվածի 2-րդ մասի ուժով սույն վարչական գործը քննվել է Արամ Ազատյանի բացակայությամբ /գործը կարող է քննվել նաև տվյալ անձի բացակայության դեպքում, եթե քննության տեղի ու ժամանակի մասին սահմանված կարգով նրան տեղյակ է պահվել, սակայն վերջինիս կողմից որևէ միջնորդություն չի հարուցվել, կամ եթե անձը բացակայում է, և հայտնի չէ նրա գտնվելու վայրը, կամ եթե նա գտնվում է Հայաստանի Հանրապետության սահմաններից դուրս/:

Վարչական մարմինը գնահատելով գործում եղած բոլոր ապացույցները, բազմակողմանի և օբյեկտիվ հետազոտման վրա հիմնված ներքին համոզմամբ գալիս է այն եզրակացման, որ սույն դեպքով Թամարա Խուրշուդյանի արարքում ՀՀ մաքսային օրենսգրքի 203-րդ հոդվածով նախատեսված մաքսային կանոնների խախտման հատկանիշներ:

Ելնելով վերոգրյալից, ղեկավարվելով ՀՀ մաքսային օրենսգրքի 206-րդ, 221-րդ հոդվածներով և Վարչական իրավախախտումների վերաբերյալ ՀՀ օրենսգրքի 214-րդ, 234-րդ հոդվածներով՝

Ո Ր Ո Շ Ե Ց Ի

1. ՀՀ մաքսային օրենսգրքի 203-րդ հոդվածի 1-ին մասով նախատեսված մաքսային կանոնների խախտում կատարելու համար քաղաքացի Թամարա Գագիկի Խուրշուդյանին ենթարկել վարչական պատասխանատվության՝ տուգանելով 50000 ՀՀ դրամի չափով:
2. Որոշման մասին հայտնել Թամարա Գագիկի Խուրշուդյանին:
3. Պարզաբանել, որ ՀՀ մաքսային օրենսգրքի 221-րդ հոդվածի 2-րդ մասի համաձայն որոշումն ուժի մեջ է մտնում այն կայացնելու պահից և ՀՀ մաքսային օրենսգրքի 222-րդ հոդվածի 2-րդ մասի համաձայն որոշումը կարող է բողոքարկվել վերադաս մաքսային մարմին (պաշտոնատար անձին) կայացնելուց հետո՝ 10 օրվա ընթացքում կամ ՀՀ վարչական դատարան՝ ՀՀ վարչական դատավարության օրենսգրքով սահմանված կարգով՝ երկամսյա ժամկետում:

Սույն որոշմամբ նշանակված տուգանքի վճարման հաշվեհամարն է. 900005024055 (ՀՀ պետական բյուջե, կենտրոնական գանձապետարան, Արևելյան մաքսատուն-վարչություն, ԿՈՂ 29):

ԱՐԵՎԵԼՅԱՆ ՄԱՔՍԱՏՈՒՆ-

ՎԱՐՉՈՒԹՅԱՆ ՊԵՏ



ԳՈՌ ԲԱՎԼԱՅԱՆ